


CONVENIO DE COLABORACIÓN ENTRE A AXENCIA PARA A MODERNIZACIÓN  
TECNOLÓXICA DE GALICIA E O CLUB FINANCIERO ATLÁNTICO PARA O  
DESENVOLVEMENTO DO MOBILE WEEK CORUÑA

En Santiago de Compostela, 9 de novembro de 2018

REUNIDOS



Dunha parte, **D<sup>a</sup> Mar Pereira Álvarez**, directora da Axencia para a Modernización Tecnolóxica de Galicia (co NIF Q1500382E), actuando en nome e representación da dita Axencia, en virtude das facultades conferidas polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos e polo Decreto 91/2012, do 16 de marzo, polo que se nomea directora da Axencia para a Modernización Tecnolóxica de Galicia.

Por outro **D. Mariano Gómez-Ulla de Irazazabal** con DNI. 32.378.874A, en nome e representación da asociación Club Financiero Atlántico, , na condición de Presidente facendo uso dos poderes que lle foron concedidos por dita entidade, con sede na Avda. Salvador de Madariaga, 67, A Coruña, e con NIF número G15215288.

Interveñen en función dos seus respectivos cargos no exercicio das atribucións que teñen conferidas no nome das entidades que representan e

EXPOÑEN





COMPULSA: esta fotocopia é copia fiel do  
seu orixinal

Santiago: 

Julia Bartolomé Villaverde 32.757.353-V

21 NOV. 2018

**Primeiro.-** Que, segundo o artigo 6 do estatuto da Axencia para a Modernización Tecnolóxica de Galicia (en diante Amtega) aprobado polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se



1

aproban os seus estatutos, a Amtega ten entre as súas competencias o impulso, asesoramento técnico e apoio en materia de tecnoloxías da información e as comunicacións e a súa aplicación para a modernización, innovación e desenvolvemento tecnolóxico de Galicia.

Así mesmo, de acordo co artigo 5 do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, queda desconcentrada na titular da Dirección da Amtega a competencia para subscribir con entidades públicas e privadas, en nome da Amtega, convenios de colaboración excluídos da lexislación de contratos do sector público.

Que a Xunta de Galicia, a través da Axenda Dixital de Galicia 2020, liderada pola Amtega e aprobada no Consello da Xunta de Galicia o 30 de abril de 2015, aposta por impulsar un modelo de crecemento vinculado á economía dixital, que contribúa a dar resposta aos desafíos aos que se enfronta Galicia en todas as áreas de desenvolvemento.

Deste xeito, tomando como base os logros acadados nos cinco anos de actuacións da primeira Axenda Dixital de Galicia 2014.gal a nova estratexia establece 20 desafíos articulados en torno a cinco liñas estratéxicas: a Valorización da Administración, a Énfase na vida dixital, a Aceleración da economía dixital, o Estímulo ao crecemento do sector TIC e a Articulación dixital do territorio.

Que a Amtega ten entre os seus obxectivos prioritarios lograr un desenvolvemento efectivo da sociedade dixital na comunidade autónoma de Galicia, promovendo aquelas accións que faciliten e impulsen a incorporación de toda a sociedade aos novos recursos tecnolóxicos da información e das comunicacións e a implicación dos cidadáns galegos na utilización das novas tecnoloxías como factor xerador de novas capacidades, de emprego e de desenvolvemento económico.

**Segundo.-** Que a asociación Club Financiero Atlántico (en diante CFA) é unha entidade sen ánimo de lucro que ten como obxectivo ser o centro de referencia empresarial, social e cultural de Galicia, aportándolle ao socio servizos de primeiro nivel, facilitando o intercambio de valor e proporcionando un lugar ideal de encontro para os seus negocios e as súas relacións sociais e culturais.

Que o CFA introduce no —plan executivo do 2016 a transformación dixital como un dos seus obxectivos estratéxicos, realizando no 2017 un primeiro evento mundial, I Foro Internacional sobre Transformación Dixital, con gran éxito e alcance.

**Terceiro.-** Que CFA e a Fundación Barcelona Mobile World Capital Foundation (en diante MWCapital) chegaron a un acordo de colaboración para o asesoramento no desenvolvemento do Mobile Week Coruña (MWCoruña), segundo o modelo que desenvolveron durante os últimos dous anos en Barcelona (MWBcn).



A finalidade do proxecto para desenvolver na Coruña é converter a área metropolitana nun espazo aberto a debates, creatividade, sesións de traballo e máis actividades, onde os protagonistas son a propia cidadanía.

O proxecto enmárcase en varios días de reflexión, entre o 21 e o 28 de novembro, a través da arte, a ciencia, o deporte e a tecnoloxía sobre como a transformación dixital integrouse nas nosas vidas.

Que o MWCoruña contará para a súa realización e desenvolvemento con todas as asociacións, fundacións e outras institucións da Comunidade galega e difundirá o evento por todo o Eixo Atlántico.

**Cuarto.-** A achega económica da Amtega ao abeiro do presente convenio ten un carácter de interese público, de acordo co artigo 26.2 da Lei 9/2007, do 13 de xullo, de subvencións de Galicia, porque contribuirá a:

- Potenciar o debate sobre as implicacións a nivel social, económico e cultural da transformación dixital no Eixo Atlántico, e en xeral en toda Galicia a través da arte, a ciencia, o deporte e a tecnoloxía.
- Fomentar o debate e a participación cidadá en relación ao futuro da sociedade actual nun mundo dixital.
- Achegar a tecnoloxía dixital á cidadanía a través de actividades gratuítas e abertas ao público.
- Diminuír a fenda dixital na sociedade galega.



3.

Estas actuacións convértense nun medio fundamental para contribuír de forma eficaz e complementaria as políticas de dinamización da implantación da Sociedade da Información en Galicia.

Por todo o exposto, considérase de gran interese a colaboración das partes asinantes, non sendo posible promover a concorrencia pública resultando, polo tanto, de aplicación o artigo 26.2 da Lei 9/2007, do 13 de xullo, de subvencións de Galicia.

A achega económica outórgase ao amparo do disposto no Regulamento (CE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas *de minimis*, (DOUE 24/12/2013, L352/1).

En consecuencia, a Amtega e o CFA acordan subscribir o presente convenio de colaboración con base nas seguintes:

## CLÁUSULAS

### Primeira.- Obxecto

O presente Convenio ten por obxecto establecer as bases de colaboración entre a Amtega e o CFA para o desenvolvemento do I Mobile Week A Coruña no ano 2018.

Este convenio enmárcase dentro das accións definidas na Axenda Dixital de Galicia 2020.

### Segunda.- Descrición do proxecto

As actuacións que se desenvolverán en base a este Convenio de Colaboración son as seguintes:

1. **mWeek TALKS:** Espazo de referencia para debater, presentar ideas e reflexionar sobre como a revolución dixital inflúe na vida das persoas. Consta dun programa de conferencias, diálogos, presentacións e entrevistas entre expertos nos eixos temáticos que xirarán en torno a: educación e tecnoloxía para tod@s; intelixencia artificial, ética e traballo; a nova xeración de Internet; Comunicación e democracia; Territorio Galicia e futuro; Sustentabilidade e medio ambiente; e Cultura posdixital.


2. **mWeek LAB:** Whorkshops, Hackatons, Datathons experiencias participativas e inclusivas e actividades organizadas en diferentes espazos de creatividade, innovación, cultura dixital e tecnoloxía. Tamén inclúe talleres sobre seguridade en Internet; edición colaborativa na rede; reciclaxe marino + TIC; robótica ou redes neuronais, entre outras temáticas.
3. **mWeek KIDS:** Actividades sobre arte, ciencia e tecnoloxía coa vontade de achegar as tecnoloxías máis avanzadas a toda a familia e idear un ecosistema no que nen@s, moz@s, adultos y mentores exploren, investiguen, se equivoquen e creen xuntos. Neste apartado haberá talleres e demostracións, entre outros, de realidade virtual e aumentada; fotografía e vídeo dixital; 3D ou drones.
4. **mWeek GALLERY:** Actividades culturais, nas que destacan concertos, exposicións, exhibicións de arte e visitas guiadas a espazos de innovación científica e tecnolóxica.

As actividades desenvolveranse nos diferentes distritos da cidade de A Coruña, e prolongaranse ao longo de toda a área metropolitana nos concellos de Abegondo, Arteixo, Bergondo, Betanzos, Cambre, Carral, Culleredo, Oleiros, Sada e chegarán ata Santiago de Compostela, en espazos tan diversos coma museos, bibliotecas, auditorios, instalacións deportivas, centros tecnolóxicos, a Rede de aulas CeMIT (Centros para a Modernización e Inclusión Tecnolóxica) e a Cidade da Cultura en Santiago de Compostela.

### **Terceira.- Obrigas do CFA.**

Co fin de garantir a execución do obxecto do presente convenio, o CFA obrígase a:

- Encargarse da organización do evento en colaboración coa MWCapital de Barcelona, co obxecto de realizar un evento coa súa mesma estrutura adaptado á idiosincrasia galega. Levar a cabo, directamente ou en colaboración con outras entidades, as actuacións establecidas neste convenio debendo proceder, en consecuencia, á asignación dos medios humanos e materiais que sexan necesarios e, de ser o caso, á contratación das colaboracións externas que se precisen para o seu desenvolvemento.



5



**amtega**  
Axencia para a Modernización  
Tecnolóxica de Galicia

COMPULSA: esta fotocopia é copia fiel do  
seu orixinal  
21 MAI 2018  
Santiago:  
Julia Bartolomé Villanueva 32.757.353-V

- Seguir as normas sobre confidencialidade de datos, concretamente a Lei orgánica 15/1999, do 13 de decembro, de protección de datos de carácter persoal e as normas que a desenvolven.
- Axustarse ás normas de seguridade e de imaxe corporativa, no seu caso, establecidas pola Xunta de Galicia.
- Achegar os informes e documentos que acrediten fidedignamente o desenvolvemento das actividades do presente convenio, así como os informes e demais documentos requiridos pola Amtega.
- Facer figurar expresamente o financiamento da Amtega como promotora do proxecto das actuacións asociadas a este Convenio.
- Ser titular e suxeito pasivo de tódalas obrigas tributarias e sociais e de calquera outra índole que se deriven da aplicación do ordenamento xurídico vixente.
- Facilitar a inspección e control dos órganos da Amtega co obxecto de supervisar o cumprimento das actividades previstas no Convenio e que permitan a esta a xustificación financeira perante a Intervención Xeral da Comunidade Autónoma e o Tribunal de Contas, así como as comprobacións previstas na lexislación do Consello de Contas.
- O CFA comprométense a xustificar ante a Amtega todas as actuacións que se realicen ao abeiro do presente convenio.
- O CFA quedarán sometidas aos procedementos de control establecidos no Regulamento (CE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas *de minimis*, (DOUE 24/12/2013, L352/1).

Doutra banda, o CFA presentou, previamente á sinatura do presente convenio, a través do procedemento PR601A habilitado ao efecto na Sede Electrónica da Xunta de Galicia:

- a) Declaración responsable de non estar incurso en ningunha das prohibicións para a obtención de subvencións contempladas no artigo 10.2 da Lei 9/2007, do 13 de xuño, de subvencións de Galicia. A acreditación de non estar incurso nas ditas prohibicións realizouse mediante declaración responsable do seu representante legal.



amtega  
Axencia para a Modernización  
Tecnolóxica de Galicia

COMPULSA: esta fotocopia é copia fiel do  
seu orixinal

Santiago:

Julia Bartolomé 21 NOV. 2018 11:35:33-V

- b) Declaración sobre calquera outra axuda *de minimis* recibida durante os dous exercicios fiscais anteriores e durante o exercicio fiscal en curso (artigo 3.2 do regulamento *de minimis*).
- c) Declaración de "outras axudas solicitadas, tanto as aprobadas ou concedidas como as pendentes de resolución (para os mesmos gastos subvencionables), das distintas administracións públicas ou calquera dos seus organismos, entes ou sociedades".
- d) Autorización á Amtega para solicitar as certificacións emitidas pola Axencia Estatal da Administración Tributaria, a Tesouraría Xeral da Seguridade Social e a Axencia Tributaria de Galicia, que acreditan que a entidade se atopa ao corrente das súas obrigas. A dita autorización estará en vigor durante a vixencia do presente convenio. Non obstante, poderá revogar expresamente dito consentimento en calquera momento.


#### Cuarta.- Gastos subvencionables

Con carácter xeral, e de acordo co establecido no artigo 29 da Lei 9/2007, do 13 de xuño, de subvencións de Galicia, consideraranse gastos subvencionables aqueles que, de xeito indubidable, respondan á natureza da actividade subvencionada e se realicen dentro do período comprendido entre o 1 de xaneiro de 2018 e a data límite de xustificación do convenio.

Os custos tales como dietas, viaxes, consumibles, formarán parte da xustificación da subvención, sempre que sexan imputados polo CFA á actividade subvencionada e, en todo caso, na medida na que tales custos correspondan ao período no que efectivamente se realiza a actividade. Á hora de determinar o importe dos gastos de locomoción consideraranse a cantidade que resulte de computar 0,19 euros por quilómetro percorrido, máis os gastos de peaxe e estacionamento que se xustifiquen.

**O importe do IVE non se considerará gasto subvencionable cando sexa susceptible de recuperación ou compensación.**

Con carácter excepcional, poderase aceptar a xustificación do pagamento mediante recibín do provedor para gastos de escasa contía ata un **importe total máximo** inferior



7



a 1.000 euros, de conformidade co establecido no artigo 42.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño de subvencións de Galicia.

En ningún caso o custo de adquisición dos gastos subvencionables poderá ser superior ao valor do mercado.

Considérase gasto realizado o que foi efectivamente pagado con anterioridade á finalización do período de xustificación determinado neste convenio.

A achega económica outórgase ao amparo do disposto no Regulamento (CE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas *de minimis*, (DOUE 24/12/2013, L352/1), quedando condicionada polo establecido na normativa comunitaria sobre esta materia.

O orzamento estimado de gasto para o desenvolvemento da actuación prevista no convenio é o seguinte:

Nº actuación	Concepto	Importe
1	Organización e xestión	69.700€
2	Tecnoloxía	33.200€
3	Poñentes, talleres e actividades	78.370€
4	Dietas e desprazamentos	35.160€
5	Comunicación	31.025€
6	Outros	14.500€

#### **Quinta.- Dirección, medios humanos e materiais**

O CFA, co obxecto de garantir a adecuada execución das actuacións deste convenio, comprométese a asumir a súa dirección, debendo proceder, en consecuencia á asignación de medios humanos e materiais que sexan necesarios e, no seu caso, a subcontratación

dos servizos precisos para levar a cabo as actuacións establecidas no presente convenio, que en todo caso, se realizarán de acordo co establecido no artigo 27 da Lei 9/2007, do 13 de xuño, de subvencións de Galicia, podendo acadar o custo total da actividade proposta.

En todo caso, de acordo co artigo 43.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a Amtega poderá comprobar, dentro do período de prescrición, o custo e o valor de mercado das actividades subcontratadas.

No caso de cesión de datos, a entidade subcontratada cumprirá as esixencias do artigo 12 da Lei 15/1999, de Protección de datos, adoptándose tanto as medidas de seguridade técnicas como organizativas.

#### **Sexta.- Orzamento e obrigas da Amtega.**

A Amtega financiará as accións do presente convenio, ata un máximo de trinta mil euros (30.000,00 €) con cargo á partida orzamentaria **04.A1.571A.481.0** dos orzamentos xerais da Comunidade Autónoma de Galicia para o ano 2018.


O financiamento por parte da Amtega das actuacións obxecto do presente convenio será compatible con outras axudas establecidas por outra Administración Pública, organismo ou ente público ou privado, nacional ou internacional para o mesmo fin.

O importe das axudas en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe da actividade subvencionada.

O aboamento da achega antedita realizarase unha vez que se xustifique a realización das actividades descritas neste convenio.

Amtega comprométese a participar no Comité técnico e organizador do Congreso aportando a súa experiencia técnica e asesoramento na materia.

Asemade, Amtega tamén se compromete a facilitar de forma gratuíta espazos para o desenvolvemento dos talleres, actividades, exposicións e conferencias, así como a



comunicar polos seus canais habituais as distintas actividades deste para que cheguen a toda a cidadanía.


### Sétima.- Xustificación

O CFA presentará ante a Amtega a xustificación da subvención. O prazo para presentar a xustificación finaliza o **15 de decembro de 2018** e se presentará a seguinte documentación xustificativa, a través do procedemento PR601A habilitado ao efecto na Sede Electrónica da Xunta de Galicia:

- Solicitud de pagamento.
- Excepcionalmente, no caso de que o solicitante revogase expresamente a autorización ao órgano xestor para que solicite de oficio os certificados de que está ao día nas súas obrigas, deberá achegar certificacións de estar ao corrente das obrigas tributarias estatais, coa Axencia Tributaria de Galicia e coa Seguridade Social.
- Memoria de actuación xustificativa do cumprimento das condicións impostas neste convenio, con indicación do total das actividades realizadas, resultados obtidos e os datos e incidencias máis salientables habidos na súa execución.
- Relación clasificada dos gastos e investimentos da actividade, con identificación do acredor e do documento, o seu importe, data de emisión e, no seu caso, data de pagamento.
- Xustificación dos gastos realizados: documento con valor orixinal ou de copia auténtica das facturas ou dos documentos de valor probatorio equivalente no tráfico xurídico mercantil ou con eficacia administrativa incorporados na relación a que se fai referencia no parágrafo anterior emitidas dentro do período comprendido entre o 1 de xaneiro de 2018 e a data límite de xustificación.
- Xustificación dos pagamentos efectuados: transferencia bancaria, certificación bancaria orixinal ou extracto de pagamento comprendido entre o 1 de xaneiro de 2018 e a data límite da xustificación. Nestes documentos deberán quedar claramente identificados o/a receptor/a, o/a emisor/a e o concepto do pagamento.

- Declaración do conxunto de axudas solicitadas, tanto as aprobadas ou concedidas como as pendentes de resolución, para o mesmo proxecto, das administracións públicas competentes ou das súas entidades vinculadas ou dependentes así como dos entes privados. Nesta declaración, se é o caso, deberá figurar unha relación detallada doutros ingresos ou subvencións que houberen financiado a actividade subvencionada con indicación do importe e a súa procedencia.
- Declaración de calquera axuda obtida polo beneficiario baixo o réxime de *minimis* no presente ano fiscal e nos dous anteriores.
- Declaración responsable relativa á titularidade da conta onde se debe realizar o pagamento, en que conste a razón social e NIF, así como o código internacional de conta bancaria (código IBAN).
- Declaración expresa do beneficiario de que as persoas ou entidades contratadas e/ou subcontratadas para as actividades subvencionadas non estean vinculadas con el, de conformidade co artigo 27.7.d) da Lei 9/2007, do 13 de xuño, de subvencións de Galicia e no seu regulamento de desenvolvemento. No suposto de tratarse de persoas ou entidades contratadas e/ou subcontratadas nas que sí exista esa vinculación, será requisito necesario a previa autorización por parte da Amtega logo da solicitude do beneficiario e xustificación de que a contratación se realiza dacordo coas condicións normais de mercado.
- No caso de estar exento do imposto sobre o valor engadido (IVE), documentación acreditativa da mencionada exención ou, se é o caso, declaración responsable do carácter non recuperable do IVE máis declaracións trimestrais e compromiso de achegar o modelo 390 anual cando estiver dispoñible.
- Entregar cuberto o modelo de recompilación de datos, que aparece recollido como Anexo I do presente convenio.
- Calquera outra documentación ou material que o beneficiario considere necesario presentar para unha mellor xustificación das actuacións obxecto do presente convenio.

En todo caso, a Amtega resérvase o dereito de solicitar toda a documentación que se considere precisa en relación coa realización das actuacións obxecto do presente





XUNTA  
DE GALICIA



amtega  
Axencia para a  
Modernización Tecnolóxica

convenio e calquera outra que estime oportuna para a correcta xustificación do gasto e o seu pagamento.

#### Oitava.- Pagamento pola Amtega

O aboamento da achega económica realizarase a medida que se xustifique a realización das actividades descritas neste convenio, mediante pagamentos parciais á conta da liquidación por importe non superior ao 80% da porcentaxe subvencionada correspondente aos pagamentos xustificados, de conformidade co disposto no artigo 62 do Decreto 11/2009, do 8 de xaneiro.

Previa solicitude do CFA, poderá procederse a un anticipo de conformidade co disposto no artigo 63.1.Un do Decreto 11/2009, do 8 de xaneiro. O prazo para presentar a solicitude do anticipo, rematará o 30 de novembro de 2018.

Nos termos establecidos no citado Decreto 11/2009, se o beneficiario solicita anticipo e/ou pagamentos a conta por un importe acumulativo superior a 18.000,00 €, estará obrigado á presentación do xustificante acreditativo da constitución da garantía mediante seguro de caución prestado por entidade aseguradora ou mediante aval solidario da entidade de crédito ou sociedade de garantía recíproca e que ten que ser depositado na Caixa Xeral de Depósitos da Xunta de Galicia. A devandita garantía deberá cubrir o 110% do importe das cantidades aboadas á conta e polo prazo que medie entre a data de presentación do xustificante acreditativo da constitución de garantía e, como mínimo, aquel en que se cumpran dous meses desde o final do prazo de xustificación. A garantía será liberada unha vez xustificada e comprobada a realización do investimento ou a actividade obxecto de axuda, segundo se establece no artigo 67º do mencionado Decreto 11/2009.

amtega  
Axencia para a Modernización  
Tecnolóxica de Galicia

COMPULSA: esta fotocopia é copia fiel do seu orixinal.

Santiago 21 NOV. 2018

Julia Bartolomé Villanueva 32.757.953-V

O importe conxunto dos pagamentos á conta e dos pagamentos anticipados non poderá ser superior ao 80% do importe máximo do convenio.

O pagamento realizarase sempre previo informe de conformidade da Área de Sociedade Dixital da Amtega.

#### **Novena.- Minoración da subvención**


Procederá a minoración da subvención concedida cando as actuacións desenvolvidas e xustificadas ao abeiro do presente convenio teñan un custo inferior ao orzamento establecido no seu clausulado, e sempre que esta minoración non supoña unha realización deficiente do proxecto. Esta minoración da subvención implicará a perda do dereito ao cobramento parcial polo importe da mesma.

#### **Décima.- Reintegro**

Procederá o reintegro parcial ou total dos fondos percibidos no suposto de incumprimento das condicións establecidas para a súa concesión nos termos previstos no Título II da Lei 9/2007, do 13 de xuño, de subvencións de Galicia.

Así mesmo, ao abeiro do disposto no artigo 14.1.n) da Lei 9/2007, os criterios de graduacións dos posibles incumprimentos para determinar a cantidade a minorar serán os seguintes:

- a O incumprimento total dos fins para os que se concedeu a axuda, da realización dos gastos subvencionables, ou da obriga de xustificación, dará lugar á perda do dereito ao cobro, ou no seu caso, ao reintegro da totalidade da axuda concedida.
- b Calquera outro incumprimento considerarase incumprimento parcial dos fins para os que se concedeu a axuda, da realización do investimento subvencionable ou da obrigación de xustificación e dará lugar á perda do dereito ao cobro ou, no seu caso, na porcentaxe correspondente ao investimento non efectuado ou non xustificada.
- c A realización de modificacións non autorizadas no orzamento subvencionable, suporá a perda do dereito ao cobro.



Terán a consideración de infraccións leves as establecidas no artigo 54 da Lei 9/2007, do 13 de xuño, de subvencións de Galicia, que poderá dar lugar ás sancións pecuniarias establecidas no artigo 59 da devandita Lei 9/2007.

As infraccións graves e moi graves en materia de subvencións, recollidas nos artigos 55 e 56 respectivamente da Lei 9/2007, poderán dar lugar ás sancións previstas no artigo 60 e 61 respectivamente.

### **Décimo primeira.- Notificacións**

1. As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.
2. As notificacións electrónicas realizaranse mediante o Sistema de Notificación Electrónica de Galicia – Notifica.gal dispoñible a través da sede electrónica da Xunta de Galicia (<https://sede.xunta.gal>). Este sistema remitirá ás persoas interesadas avisos da posta a disposición das notificacións á conta de correo e/ou teléfono móbil que consten na solicitude para efectos de notificación. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.
3. No caso de persoas interesadas que, de acordo coa normativa básica, estean obrigadas a relacionarse a través de medios electrónicos coa administración, deberán crear e manter o seu enderezo electrónico habilitado único a través do Sistema de Notificación Electrónica de Galicia, para todos os procedementos administrativos tramitados pola Administración xeral e do sector público autonómico. En todo caso, a Administración xeral poderá de oficio crear o indicado enderezo, aos efectos de asegurar o cumprimento polos indicados interesados da súa obriga de relacionarse por medios electrónicos.
4. As notificacións por medios electrónicos entenderanse practicadas no momento en que se produza o acceso ao seu contido. Cando a notificación por medios electrónicos sexa de carácter obrigatorio, ou fose expresamente elixida polo interesado, entenderase rexeitada cando transcorresen dez días naturais desde a posta á disposición da notificación se que se acceda ao seu contido.

5. Se o envío da notificación electrónica non fose posible por problemas técnicos, a Administración xeral e do sector público autonómico de Galicia practicará a notificación polos medios previstos na normativa reguladora do procedemento administrativo común.

#### **Décimo segunda.- Vixencia**

O presente convenio entrará en vigor na data da súa sinatura e terá vixencia ata o 31 de decembro de 2018.

#### **Décimo terceira.- Comisión de seguimento**


Para velar polo cumprimento do estipulado, constituirase unha comisión paritaria de seguimento da execución do convenio, formada por dous representantes da Amtega, e dous representantes do CFA, que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento. A composición da dita comisión será a seguinte:

- Pola Amtega, a persoa titular da Dirección ou persoa na que delegue, e a titular da Dirección da Área de Sociedade Dixital, ou persoa que a substitúa.
- Polo CFA, dous representantes designados pola súa Presidencia.

Esta comisión estará presidida pola persoa titular da Dirección da Amtega, que terá voto de calidade, e reunirse en tódalas ocasións que se estimen oportunas.

#### **Décimo cuarta.- Publicidade**

As partes asinantes deste Convenio consenten expresamente a inclusión dos datos relevantes deste convenio nos rexistros públicos que proceda, de acordo coa Disposición Adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia. Asemade tamén se compromete a facilitar toda a información requirida ao abeiro do artigo 4 da Lei 1/2016, do 18 de xaneiro, de transparencia e bo goberno.



De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicadas á Base de datos nacional de subvencións (BDNS).

Este convenio será obxecto de inscrición en cumprimento do establecido no artigo 15 da Lei 1/2016, do 18 de xaneiro.

As partes asinantes autorizan/consinten na publicidade dos seus datos persoais e demais especificacións recollidas no presente instrumento de colaboración no Portal de Transparencia e Goberno Aberto.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Administración autonómica publicará o texto íntegro do convenio.

#### **Décimo quinta.- Resolución**

O presente convenio resolverase por incumprimento total ou parcial dalgunha das cláusulas que o regulan ou polo transcurso do tempo estipulado sen que se realicen os investimentos.

Así mesmo, poderase resolver por denuncia unilateral de calquera das partes previa comunicación á outra parte cun mes de antelación.

#### **Décima sexta.- Modificación da concesión**


1. Toda alteración das condicións tidas en conta para a concesión desta subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación do convenio polo que se regula a presente subvención.
2. Cando por circunstancias técnicas sexa imprescindible variar o contido específico dos investimentos ou os prazos recollidos no presente convenio, a persoa titular da Dirección da Amtega poderá acordar a modificación do convenio a instancia do beneficiario sempre que se cumpran os seguintes requisitos:

- a) Que a actividade, conduta ou modificación do proxecto estea comprendida dentro do obxecto deste convenio de colaboración.
  - b) Que se acredite a inexistencia de prexuízo a terceiros/as.
  - c) Que os novos elementos e as circunstancias que motiven a modificación, de teren concorrido na concesión inicial, non supuxesen a denegación da axuda ou subvención.
3. O beneficiario deberá solicitar esta modificación mediante instancia dirixida á persoa titular da Dirección da Amtega, xunto coa documentación acreditativa do cumprimento dos requisitos reflectidos no punto anterior, ata o **30 de novembro de 2018**. De non facelo poderá implicar a perda da subvención afectada pola modificación e, no caso de que esta implique unha variación substancial do proxecto inicial, a perda total da subvención concedida.
  4. A conformidade expresa da Amtega ás mencionadas modificacións requirirá informe favorable da Área de Sociedade Dixital da Amtega, e só será outorgada cando non se alteren significativamente o proxecto inicial e se cumpran os requisitos antes indicados.
  5. O acto polo que se acorde ou se denegue a modificación da resolución será ditado pola persoa titular da Dirección da Amtega logo da instrución do correspondente expediente ao cal se lle dará audiencia ao interesado nos termos previstos na Lei 9/2007, do 13 de xuño, de subvencións de Galicia.

#### **Décima sétima.- Inexistencia de relación laboral**

A subscrición do presente convenio non implicará relación laboral, contractual ou de calquera outro tipo entre os profesionais que realicen para o beneficiario as actividades obxecto deste convenio, e a Amtega.

#### **Décima oitava.- Interpretación**



**amtega**  
Axencia para a Modernización  
Tecnolóxica de Galicia

COMPULSA: esta fotocopia é copia fiel do  
seu orixinal

Santiago: **21 NOV 2018**

Julia Bartolomé Villanueva 32.757.353-V

O presente convenio ten natureza administrativa, e como tal excluído do ámbito de aplicación da Lei de contratos do sector público, se ben se observarán os seus principios para a resolución das dúbidas e lagoas que se puidesen presentar.

Rexerase polas súas propias cláusulas e supletoriamente, polas normas xerais do dereito administrativo.

A Amtega ostenta a prerrogativa de interpretar, e resolver tódalas dúbidas que xurdan na súa execución, de acordo co réxime xurídico legalmente aplicable.

#### **Décimo novena.- Dereitos de explotación e propiedade intelectual**

A documentación e o material elaborado dentro do marco deste convenio deberá poñerse a disposición da sociedade en xeral, así como da entrega de copia da documentación á Amtega.

O CFA debe garantir que obtivo, no caso de ser necesario, o permiso dos titulares dos dereitos de propiedade intelectual ou do seu representante legal, para utilizar fragmentos de textos, ilustracións, mapas, sons, vídeos, gráficos ou outros elementos incluídos na obra ou obras entregadas.

O CFA resérvase o dereito de publicar os resultados, parciais ou finais, obtidos durante a execución do convenio facendo constar o financiamento da Amtega.

Calquera que sexa o medio de difusión, ámbalas partes comprométense a facer mención expresa do presente convenio.

#### **Vixésima.- Normativa aplicable**

O presente convenio de colaboración rexeráse por:

- A Lei 9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o seu regulamento.
- Decreto 252/2011, do 15 de decembro, polo que se crea a Amtega e se aproban os seus estatutos.

- Lei 8/2017, do 26 de decembro, de orzamentos xerais da Comunidade Autónoma de Galicia para o ano 2018.
- Acordo adoptado polo consello da Xunta de Galicia na súa reunión do día 27 de marzo de 1991 e feito público mediante Resolución da Consellería de Economía e Facenda de data 8 de abril de 1991, sobre convenios de cooperación con outros entes públicos e de colaboración con particulares.
- Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia.
- A achega económica outórgase ao amparo do disposto no Regulamento (CE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas de minimis, (DOUE 24/12/2013, L352/1).

E, en proba de conformidade, asínase o presente convenio no lugar indicado no encabezamento

A directora da Amtega

Asdo.: Mar Pereira Álvarez

O presidente do CFA

Asdo: Mariano Gómez-Ulla de Irazazabal

## ANEXO I

### INDICADORES A CONSIDERAR PARA O CUMPRIMENTO DOS OS OBXECTIVOS DO CONVENIO:

- Nº total de asistentes ás xornadas, obradoiros e seminarios.
- Nº total de prazas ofertadas para os actos programados.
- Nº total de actos realizados.

OUTROS INDICADORES A CONSIDERAR A EFECTOS ESTADÍSTICOS NO RELATIVO A  
"Estratexia galega sobre discapacidade 2015-2020", "Plan Galego para a igualdade  
entre mulleres e homes", "Plan Galego de Persoas Maiores":

- Nº de asistentes por rango de idade e por sexo ás xornadas, obradoiros e seminarios.
- Nº de persoas asistentes, por sexo, con discapacidade ás que se facilitase a accesibilidade ás xornadas, obradoiros e seminarios.
- Nº e tipo de medidas adoptadas para mellorar a accesibilidade de persoas con discapacidade ás xornadas, obradoiros e seminarios

